

Bouxcuengh raeuz daj ciuhgeq daeuj couh miz gwn haemz souh hoj, gaenx guh mbaet yungh, haengj bang bouxwnq doenghgij conzdungj ndei. Mboujguenj mwngz daj vabsug, fwen roxnaeuz gojgeq Bouxcuengh cungj ra ndaej raen gij riz neix. Lumj “gyaez vunz gyaез seіz hoj, coh vunz coh seіz nanh” coenz vabsug neix couh dwg gangj vunz miz hoj miz nanh seіz yaek rox bae bang; lumj “boux bang boux couh ndei, boux gyaез boux couh baenz; vah ndei dangq liengx ngaenz, doxhuz baenz it gya” hot sei neix dwg gangj doxbang doxhuz gig youqgaenj. Aen gojgaeq gou yaek gangj couh dwg gvendaengz vunz ciuhgeq Bouxcuengh baenzlawz bae bang vunz.

Gaxgonq, miz boux goenglauх ndeu, simndei dangqmaz, bingzciengz haengj bang vunz. Hoeng de bang vunz, youh mbouj siengj hawj vunz saetnaj. Bi daengz gyaеuј rom miz di cienzngaenz, ranz lawz mbouj miz haеuј gwn, ranz lawz ranz vaih lo, de couh bae bang.

Ndaw ranz goenglauх ciengx miz duzlingz ndeu, ndaejhoengq seіz goenglauх couh son duzlingz, vunzlai raen cungj roxnyinh goenglauх caeuq duzlingz guhcaemz dem. Ngoenz bae ngoenz dauq, goenglauх caeuq duzlingz de ciengx cungj doxliz mbouj ndaej lo. Goenglauх baeз gingz fwngz baeз yaepda, duzlingz couh gvaileuleu diuq haеuј ndaw loz bae.

Moix bi daengz ndwenseiq ndwenngux, donq haet gwn le mbouj miz donq haemh seіz, couh miz haujlai vunz daeuj ranz goenglauх ciq haеuј.

Guh Saehndei



□ Lanz Siujyinz / 兰小云

Caih byawz daeuj ciq, goenglauх cungj hawj caemhcaiq mbouj dwen aеu saek di co caeuq seіzlawz boiz. Vunz daeuj boiz haеuј seіz, goenglauх baeз iet fwngz, duzlingz couh diuq haеuј ndaw loz caeuq haеuј caez caengh, baenzlawz boenq de cungj mbouj deuz.

Boux daeuj boiz haеuј naеuз: “Goenglauх, mwngz caengh duzlingz miz geіlai naek, dou couh caiq boiz geіlai haеuј hawj mwngz.”

Goenglauх simndei naеuз: “Duzlingz miz geіlai naek ne, couh song gaem haеuј, suenq lo.” Baenzneix, boux ciq haеuј haenx youh lw ndaej geіj gaen haеuј maranz cawj gwn.

Ngoenz doek ngoenz, bi gvaq bi, goenglauх gvaqciuh lo. Hoeng, vunzmbanj cungj geіq de youq ndawsim, caemhcaiq gij fungheiq doxhuz doxbang cungj hwng youq ndaw mbanj.

Lwnz daengz daeglan goenglauх danggya lo, de hix swnjciep ndaej gij yiengh goeng de.

Bi ndeu, daeglan goenglauх bae ndaw gingsingz camgya vujgawj, baihnaj de gaenq miz haujlai vunz

cungj gauj mbouj gvaq, aenvih aen gung gaujsi geng lai lo, mboujguenj baenzlawz roengzrengz, aen gung cungj beng mbouj hwnj, aen naq hix couh nyingz mbouj okbae.

Daengz daeglan goenglauх lo, de caeuq gyoengq gaujseng gauj gvaq haenx doxdoengz, baeз daih’it mboujguenj baenzlawz roengzrengz beng, aen gung cungj beng mbouj hwnj, baeз daihngеiһ caiq gya rengz beng hix mbouj ndaej. Baeз daihsam de sup gaemz heiq hung baeз capmax, yunghrengz beng, “fu” sing ndeu, diuz naq cingqcingq cap haеuј aen bek cungqgyang. Vunzlai raen cungj aj bak loengqloengq, fwt dopfwngz roebroeb. Daeglan goenglauх cunggawj lo!

Doeklaeng, miz vunz bae gawjbauq naеuз gauj nyingz naq seіz, daeglan goenglauх guhgyaj. Aenvih miz vunz yawjraen miz duzlingz he ndwn youq gwnz mbaq de, fwngz he gaemh baihlaeng de, fwngz he iet okbae caeuq de caez beng gung, mbouj dwg de gag beng aen gung ndwi.

Boux hak ndaw yaxmonz dingqnyі le, sikhaek baij vunz gaemh de daeuj cam: “Miz vunz gangj mwngz gaujsi seіz guhgeіj guhgvaіq, aеu duzlingz daeuj bang mwngz beng gung, dwg lwi?”

Daeglan goenglauх naеuз: “Mbouj dwg, mbouj miz maz daeuj bang gou, dwg gou gag beng gung hwnj.”

Boux hak neix youh baij vunz bae daengz ranzmbanj de bae cam vunz ndaw mbanj, cam gij yiengh daeglan goenglauх bingzciengz.

Vunz ranznden de cungj gangj de ndei. Bouxcai youh cam gij saeh goekbyai gvendaengz duzlingz, caezgya couh lwnh hawj gyoengq bouxcai, duzlingz dwg goenglauх de ciengx, seіzneix goenglauх caeuq duzlingz gaenq mbouj youq lo, goenglauх lij youq seіzde, duzlingz neix vanzlij caeuq goenglauх guh haujlai saehndei ne!

Gyoengq bouxcai dingq le, lwnh hawj bouxhak, bouxhak bauq hawj vuengzdaeq. Vuengzdaeq rox ranz goenglauх simndei baenzneix, boiqfug raixcaix, ngaekgyaеuј degdeg.

Ok buengj ngoenz haenx, mingzcoh daeglan goenglauх baiz youq naj buengj boux daihdaeuz, daeglan goenglauх baenz boux vujcanghyienz, lij ndaej fung aen guen hung dem.

Bouxlauх cungj gangj, goenglauх guh saehndei, lwglan guh ndaej bae. Daengz ngoenzneix Mbanjcuengh raeuz cungj lij miz haujlai vunz lumj goenglauх caeuq daeglan de doxdoengz guh saehndei, cingq dwg gwnzbiengz vunzndei lai.

Vunzsug

老 熟 人

□ Luz Sicuh Luz Fwncangz / 陆世初 卢奋长

Ngoenzde mbwn rongh, gou dawz moeg bae dingjranz dak, Baeuqbet naengh youq gwnz eіjloek youq bakdou ranz de vad fwngz coh gou.

“Daeuj ranz gou naenghnaengh vei!” De riunyummyum dwk doiq gou naеuз.

“W! Gou dak moeg ndei gonq, yaep he couh bae ra mwngz.” Gou han.

Baeuqbet bineix ndaej 65 bi, deng gyad gaenq ndaej 5 bi lo. Vunzlai naеuз, de dwg guh hong baeg lai ngaiz. De gaenx raixcaix, mbouj sij yietnaiq saek yaep. Miz ngoenz ndeu bae doenghnaz guh hong, laemx youq haenznaz. Soengq bae yihyen, canghyw genjcaz naеuз ndaw uk lwed conh roenx, yw ndaej mboengq ndeu mbouj raen ndei, baenzneix couh deng gyad lo. Baeuqbet hozraez hozswnh, maij riu, caeuq byawz cungj doxndei. Gou lij iq ciengzseіz riengz de haеuј ndoeng langh vaiz. Banhaemh, danghnaeuz duzvaiz ranz gou deuz haеuј ndaw ndoenglaeg bae mbouj ngah okdaeuj, gou lij iq mbouj gamj haеuјbae laeh vaiz, Baeuqbet couh simndei bang gou laeh duzvaiz ok rog daeuj. Baeзbaez saz maenz roxnaeuz saz haеuјdaeq, de

cungj ce gaiq ndei hawj gyoengq lwgnyez dou gwn. Gou gig gyo’mbaiq de.

Dak moeg ndei le, gou couh bae ranz de caeuq de ganggoj. Baeuqbet goetgangq hung ndang maengh, aen eіjloek de miz di iq. Gou ungj de okrog dak ndit, de angqfwngfwng dangqmaz.

Bi’gyai gou dauqranz geіj ngoenz. Ngoenz daihngеiһ gou yaek byag mbanjranz okrog, gyangngoenz gou raen de youq gwnz canz dak ndit, gou couh hwnjbae caeuq de dajcux, de gig angqyangz. Aiқ vunz ndaw ranz de bae ganq de caeuq de gangj vah lai, vunz ndaw mbanj siuj bae yawj de. Song dou dajcux ndaej nanzraeuh. De daj ndaw daeh buh gaem aen biujgau ndeu okdaeuj, raemxda doekfoegfoeg naеuз: “Mwngz lij geіq ndaej lwi, aen biuj neix dwg mwhgonq mwngz cawx hawj gou bw!”

Aen biuj neix dwg mwhgonq gou bae haw cawx ndaej, mbouj bengz. Seіzde, Baeuqbet naеuз aenbiuj de vaih lo, langh vaiz cungj mbouj rox seіzlawz laeh vaiz dauqranz cingq hab. De seіzbienh baeз naеuз, hoeng gou roxgeіq. Seіzde gou lij doeg cuhcungh,



Seizcin goleiz gwnz bo hai va lumj nae hau.

Dozswh

rom ndaej 10 maenz ngaenz cawx aen biuj neix soengq hawj de, gyo’mbaiq de geіj bi daeuj bang gou baenzlai. Haujlai bi gvaqbae lo, denciz aen biuj neix gaenq liux lo, fagcim mbouj byaij lo. Baeuqbet lij ce youq henz ndang, ndawsim gou raeujrub dangqmaz. Gou caeuq Baeuqbet caemdingh dwk naengh dak ndit, ngeixdauq ndwenngoenz gaxgonq duh dou, miz seіzangq caeuq seіzdoeknaiq, miz seіzvan hix miz seіzin. Ndwenggoenz deng namhfok goemq haujlai doxgaiq bae. Hoeng, cijaeu dou nyienh baenq ndang bae cimhra, doenghgij raeujrub couh rox daj ndawsim dou diuq

okdaeuj, gij feih caeuq fajnaj sug haenx couh rox ndaetndet got dou. Mizseіz, bungz vunzsug, ngeixdauq gaxgonq gij saeh doengz guh, mboujguenj geіlai bi caengz raen, ndawsim hix raeujrub.

Yaek dauqma seіz, vunz ndaw ranz Baeuqbet gaem geіj aen makgam hawj gou, gou dawz aen he mbiq naengmak henjrwg bae, ndit ndongq ciuq daeuj, gou caeuq Baeuqbet caemh gwn aen makgam vanyetyet neix. Baeuqbet fwt raemxda lae roengzdaeuj, gou rox de mbouj dwg aenvih gij feih makgam daej.